

# Reglur um leikskólavist í Hafnarfirði

## Gildissvið - markmið

Reglur þessar gilda um umsókn og innritun í alla leikskóla í Hafnarfirði og um gjaldtöku og innheimtu fyrir leikskóladvöl. Reglur þessar gilda einnig um sjálfstætt starfandi leikskóla.

## 1. kafli

### Innritun í leikskóla

Á heimasíðu Hafnarfjarðarbæjar [www.hafnarfjordur.is](http://www.hafnarfjordur.is) er að finna yfirlit yfir alla leikskóla bæjarins.

Miðað er við að börn sem verða 15 mánaða í ágúst ár hvert fái boð um leikskóladvöl það sama haust. Því er innritunardur miðaður við börn sem fædd eru í maí árið á undan. Ef fjöldi lausra leikskólaplássna er umfram þann fjölda barna sem fædd eru í maí árið á undan og fyrr þá eru yngri börn innrituð samkvæmt kennitölu.

Undantekning á þessu eru börn sem falla undir skilgreiningu um forgang, sjá kafla 6.

Sækja má um leikskóla frá fæðingardegi barns eða strax og kennitala þess hefur verið skráð. Börn eru skráð á biðlista og raðast þau á listann eftir fæðingardegi og ári. Börn innritast í leikskóla eftir kennitölu, þau elstu fyrst.

Skilyrði fyrir leikskóladvöl er að barn eigi lögheimili í Hafnarfirði, en barnið getur verið á biðlista þó lögheimili sé annars staðar.

Hægt er að sækja um fleiri en einn leikskóla. Foreldrar/forráðamenn eru hvattir til þess að skoða þá leikskóla sem eru í boði, hafa samband við viðkomandi leikskólastjóra og kynna sér starfið. Ef ekki er hægt að verða við ósk foreldra/forráðamanna um þann leikskóla sem settur er í aðalval á umsókn, er umsókn raðað inn í þá skóla sem settir eru í aukaval ef það er laust pláss eða í leikskóla þar sem laust er.

Aðalinnritun er auglýst á heimasíðu Hafnarfjarðarbæjar í febrúar ár hvert. Mikilvægt er að umsóknum sé skilað inn fyrir 1. mars árið sem óskað er eftir innritun fyrir barnið. Aðalúthlutun leikskólavalar fyrir haustið fer fram að vori ár hvert. Aðrar úthlutanir fara fram jöfnum höndum allt skólaárið, þegar leikskólapláss losna vegna flutninga eða annarra ástæðna.

Börn sem eiga systkini í þeim leikskóla sem settur er í aðalval njóta systkinatillits þar að því gefnu að börn sem eru framar á biðlista í sama leikskóla bjóðist pláss í leikskóla sem er í aukavali. Það er skilyrði að eldra barnið eigi eftir a.m.k. sex mánuði af leikskólagöngu sinni þegar yngra barnið byrjar í leikskólanum.

## 2. kafli

### Opnunartími, skipulagsdagar og sumarleyfi leikskóla

Leikskólar Hafnarfjarðarbæjar eru opnir frá klukkan 7:30 til 17:00 alla virka daga.

Mögulegt er að kaupa daglegan dvalartíma í leikskóla allt frá fjórum klukkustundum og upp í átta og hálfan en þá ávallt á sama tíma alla vikudaga innan opnunartíma leikskólans.

Mögulegt er að sækja tímabundið um 9 klukkustunda vistun ef aðstæður eru þess eðlis að styttri vistunartími er ekki nægilegur. Senda þarf formlega beiðni þess efnis til leikskólastjóra.

Leikskólar eru lokaðir fimm daga á ári vegna skipulagsdaga auk þess eru fjórir skertir skóladagar yfir árið vegna skipulags skólstarfs, þá daga opna leikskólar kl. 10:00. Leikskólagjöld lækka ekki vegna þessa. Hægt er að sjá skóladagatal hvers leikskóla fyrir sig á heimasíðum leikskólanna.

Leikskólar í Hafnarfirði eru lokaðir á aðfangadag og gamlársdag og kemur það ekki til lækkunar á dvalargjöldum.

Hafnarfjarðarbær fellir niður leikskólagjöld milli jóla- og nýárs fyrir þá foreldra/forráðamenn sem óska eftir jólaleyfi fyrir börn sín, umsókn um það skal skila til leikskólastjóra fyrir 20. nóvember ár hvert. Mögulegt er að velja einn eða fleiri daga á þessu tímabili og er skráning bindandi fyrir þá daga.

Hafnarfjarðarbær fellir niður leikskólagjöld í dymbilviku fyrir þá foreldra/forráðamenn sem óska eftir páskaeyfi fyrir börn sín, umsókn um það skal skila til leikskólastjóra og er afsláttur reiknaður af gjöldum næsta mánaðar. Mögulegt er að velja einn eða fleiri daga á þessu tímabili og er skráning bindandi fyrir þá daga.

Börn sem dvelja í leikskólum í Hafnarfirði taka að lágmarki fjögurra vikna samfelld sumarleyfi. Leikskólar í Hafnarfirði loka síðustu tvær vikurnar í júlí, frá og með sumrinu 2022. Gjöld eru ekki innheimt þann tíma sem leikskólinn er lokaður vegna sumarleyfa.

## 3. kafli

### Skilyrði fyrir leikskóladvöl

Skilyrði fyrir að leikskólavist hefjist er að barn sé með lögheimili í Hafnarfirði

Hafnarfjarðarbær niðurgreiðir vistun barns í einu vistunarúrræði í senn.

Réttur til leikskólavistunar í úthlutuðum leikskóla fellur niður á fyrirhuguðum upphafsdegi vistunar og öðru barni boðið plássíð ef ofangreindum skilyrðum fyrir leikskóladvöl er ekki fullnægt.

#### 3.a Undanþágur frá kröfu um lögheimili

Leikskólabörn skulu að jafnaði sækja leikskóla í því sveitarfélagi þar sem þau eiga lögheimili.

Börn með lögheimili utan Hafnarfjarðar sem eru í fóstri hjá fjölskyldum með lögheimili í Hafnarfirði geta fengið úthlutað leikskólapláss á beiðni barnaverndar. Í þeim tilfellum skal samþykki lögheimilissveitarfélags eða þess sveitarfélags þar sem málið er til afgreiðslu liggja fyrir um greiðslu þess hluta gjaldanna sem fellur á sveitarfélagið. Skal samþykkið liggja fyrir áður en leikskóladvöl hefst.

Starfsfólk í leikskólum Hafnarfjarðar, sem er með lögheimili í öðrum sveitarfélögum, getur ekki fengið leikskólapláss fyrir börn sín í leikskólum bæjarins.

Fjölskyldur íslenskra ríkisborgara með erlent lögheimili, sem dvelja tímabundið í Hafnarfirði við nám eða störf, geta sótt um tímabundið leikskólapláss í leikskólum bæjarins, þá að hámarki í þrjú mánuði á hverju skólaári. Í þeim tilfellum er úthlutað leikskólapláss háð því að aðstæður í leikskólum séu með þeim hætti að unnt sé að taka við börnum tímabundið m.a. að leikskólapláss sé laust fyrir viðkomandi aldur og að fullmannað sé í leikskólum sem sótt er um í. Gjald fyrir slíka þjónustu er u.þ.b. 50% af meðalraunkostnaði, sjá nánar viðmiðunargjaldskrá Sambands íslenskra sveitarfélaga.

Umsækjendur um alþjóðlega vernd skv. lögum um útlendinga nr. 80/2016 geta sótt um leikskólapláss í Hafnarfirði en skilyrði fyrir því er að viðkomandi fjölskylda sé í þjónustu hjá Hafnarfjarðarbæ. Stoðdeild flóttafólks og fólks í leit að alþjóðlegri vernd hjá fjölskyldu- og barnamálasviði sér um að óska eftir leikskólapláss fyrir þau börn sem þess þurfa.

Flóttamannahópar og flóttamenn, skv. lögum um útlendinga nr. 80/2016, geta sótt um leikskólapláss í Hafnarfirði en skilyrði fyrir því er að viðkomandi fjölskylda sé í þjónustu hjá Hafnarfjarðarbæ. Stoðdeild flóttafólks og fólks í leit að alþjóðlegri vernd hjá fjölskyldu- og barnamálasviði sér um að óska eftir leikskólapláss fyrir þau börn sem þess þurfa.

### **3.b Flutningur á milli sveitarfélaga**

Börn sem flytjast milli sveitarfélaga á höfuðborgarsvæðinu, fá heimild til þess að dvelja áfram í leikskóla í því sveitarfélagi sem flutt er úr í allt að sex mánuði frá flutningi lögheimilis. Skilyrði er að barn sé á biðlista eftir leikskóla í nýja lögheimilissveitarfélaginu og ætla má að barnið hefji leikskóladvöl þar innan sex til tólf mánaða. Sótt er um framlengingu á leikskóladvöl hjá leikskólastjóra í þeim leikskóla sem barnið dvelur í. Samþykki sveitarfélags sem flutt er úr þarf að liggja fyrir. Sé barn á lokaári í leikskóla eða ef barn þarfnast sérþæks stuðnings og sú þjónusta sem barnið þarf á að halda er ekki fyrir hendi í nýja sveitarfélaginu geta tímamörk verið rýmri en sex mánuðir og þarf barn þá ekki að vera á biðlista eftir leikskóla í hinu nýja sveitarfélagi. Fyrirkomulag þetta byggir á sérstöku samkomulagi milli sveitarfélaga á höfuðborgarsvæðinu.

Börn sem flytjast til Hafnarfjarðar áður en viðmiði um innritunaraldur í Hafnarfirði er náð og eru í leikskóla/ungbarnaleikskóla í öðru sveitarfélagi fá niðurgreiðslu sem nemur niðurgreiðslu dagforeldris þar til innritunaraldri er náð. *Sjá nánar niðurgreiðslur Hafnarfjarðarbæjar vegna dvalar hjá dagforeldrum.*

## 4. kafli

### Sjálfstætt reknir leikskólar utan Hafnarfjarðar

Óski foreldrar/forráðamenn eftir leikskóladvöl fyrir barn í leikskóla sem býður upp á uppeldisstefnu sem er afgerandi frábrugðin því sem boðið er upp á í leikskólum Hafnarfjarðar. Gilda eftirfarandi skilyrði:

- Barnið eigi lögheimili í Hafnarfirði.
- Búið sé að sækja um greiðslupátttöku Hafnarfjarðarbæjar inni á „mínar síður“ á heimasíðu Hafnarfjarðarbæjar.
- Barn sé á innritunardri samkvæmt innritunarreglum Hafnarfjarðar. (*Sjá nánar kafla 1 mgr. 2*).
- Hafi barn ekki náð innritunardri samkvæmt innritunarreglum Hafnarfjarðar er greiðslupátttaka bæjarins sem nemur niðurgreiðslu dagforeldris þar til innritunardri hefur verið náð. (*Sjá nánar reglur um greiðslur vegna dvalar barna úr Hafnarfirði hjá dagforeldrum*).
- Leikskóli hafi rekstrarleyfi og uppfylli lög um leikskóla.
- Að barnið sé slysatryggt í leikskólanum.
- Barnið dvelji 4-8,5 klst. daglega í leikskólanum.
- Greitt er samkvæmt reikningi þar sem fram kemur nafn barns, kennitala, heimilisfang, leikskólagjöld og dvalartími ásamt staðfestingu foreldris.
- Greitt er í 11 mánuði á ári, skv. viðmiðunarreglum Sambands íslenskra sveitarfélaga þ.e. ekki er greitt fyrir sumarleyfismánuð, júlí eða ágúst. Gjaldskráin sýnir brúttótölur og frá þeim dragast leikskólagjöld sem viðkomandi leikskóli innheimtir af foreldrum/forráðamönnum.

#### 4.a Námsmenn

Námsmenn, þar sem báðir foreldrar/forráðamenn eru í fullu námi, geta sótt um leikskóladvöl fyrir börn sín frá 12 mánaða aldri í sjálfstætt reknum leikskólum utan Hafnarfjarðar. Eftirfarandi skilyrði fyrir greiðslu er að:

- Foreldrar séu í háskólanámi og skráð í að lágmarki 30 ECTS einingar á önn. Skila skal skólavottorði fyrirfram fyrir hverja önn þar sem fram koma upplýsingar um einingafjölda og staðfesting á því að um fullt nám sé að ræða.
- Foreldrar séu í framhaldsskóla og skráð í fullt nám að lágmarki 30 framhaldsskólaeiningar á önn. Skila skal skólavottorði fyrirfram fyrir hverja önn þar sem fram koma upplýsingar um einingafjölda og staðfesting á því að um fullt nám sé að ræða.
- Leikskóli hafi rekstrarleyfi og uppfylli lög um leikskóla.
- Að barnið sé slysatryggt í leikskólanum.
- Barnið dvelji 4-8,5 klst. daglega í leikskólanum.
- Greitt er samkvæmt reikningi þar sem fram kemur nafn barns, kennitala, heimilisfang, leikskólagjöld og dvalartími ásamt staðfestingu foreldris.

- Greitt er í 11 mánuði á ári, skv. viðmiðunarreglum Sambands íslenskra sveitarfélaga þ.e. ekki er greitt fyrir sumarleyfismánuð, júlí eða ágúst. Gjaldskráin sýnir brúttótölur og frá þeim dragast leikskólagjöld sem viðkomandi leikskóli innheimtir af foreldrum/forráðamönnum.

## 5. kafli

### Flutningur milli leikskóla sveitarfélagsins

Umsóknir um flutning milli leikskóla innan Hafnarfjarðar verða að berast fyrir 1. febrúar ár hvert. Sótt er um í gegnum „Mínar síður“ á [www.hafnarfjordur.is](http://www.hafnarfjordur.is). Aðlögun í nýjan leikskóla á sér stað eftir aðstæðum í hverjum leikskóla fyrir sig en algengast er að þær fari fram eftir sumarlokun leikskóla.

## 6. kafli

### Forgangur að leikskóla

Hafnarfjarðarbær áskilur sér rétt til að forgangsraða börnum í leikskóla þegar taka þarf tillit til aðstæðna barna og foreldra/forráðamanna og eða til aðstæðna í leikskólum sveitarfélagsins. Til að barn geti fallið undir skilgreiningu um forgang þarf að skila vottorði frá viðurkenndum greiningaraðilum.

Sækja má um forgang í leikskóla fyrir barn ef sérstakar aðstæður mæla með því. Sótt er um forgang í gegnum „Mínar síður“ á [www.hafnarfjordur.is](http://www.hafnarfjordur.is).

Börn með samþykktan forgang raðast á biðlista eftir kennitölu, þau elstu fyrst. Í mjög brýnum undantekningartilfellum þar sem um skyndileg og alvarleg veikindi foreldra/forráðamanna er að ræða eða í barnaverndarmálum er heimilt að víkja frá þeirri reglu að fengnu samþykki fagteymis leikskóla.

Leikskóladvöl barns með samþykktan forgang hefst í fyrsta lagi við tólf mánaða aldur nema í sérstökum undantekningartilvikum.

Sækja má um forgang að leikskólum í Hafnarfirði vegna:

- Vegna barna með fötlun (vottorð frá viðurkenndum greiningaraðila skal fylgja umsókn).
- Vegna barna með þroskafrávik (vottorð frá viðurkenndum greiningaraðila skal fylgja umsókn).
- Vegna barna sem búa við erfiðleika í félagsumhverfi - barnaverndarmál (vottorð frá félagsmálayfirvöldum skal fylgja umsókn).
- Vegna alvarlegra veikinda eða fötlunar hjá foreldrum/forráðamönnum eða systkinum barnsins (vottorð frá lækni eða öðrum opinberum aðilum skal fylgja umsókn).
- Börn foreldra/forráðamanna undir lögdri (18 ára).

- Börn einstæðra foreldra með þrjú eða fleiri börn á framfæri enda sé elsta barn ekki eldra en 9 ára.
- Þríburar
- Börn starfsmanna í leikskólum Hafnarfjarðar (sjá nánar í kafla 6. a).

### **6.a. Forgangur fyrir börn starfsmanna í leikskólum Hafnarfjarðar**

Starfsmenn leikskóla Hafnarfjarðarbæjar, sem eru í 50% starfshlutfalli eða meira, geta sótt um forgang fyrir börn sín í leikskóla frá 12 mánaða aldri á þar til gerðu eyðublaði sem skal skila til leikskólastjóra.

Láti starfsmaður af störfum áður en barn fellur undir innritunarreglur Hafnarfjarðarbæjar skal sérstaklega meta í hverju tilviki fyrir sig hvort barn haldi áfram leikskólagöngu eftir starfslok foreldris, með hliðsjón af högum viðkomandi barns og þörfum þess.

Að öðru leyti gilda almennar innritunarreglur um leikskólavist. Leikskólastjóri metur einstök mál í samráði við þróunarfulltrúa. Starfsmaður og leikskólastjóri bera ábyrgð á að tilkynna leikskóla barnsins um að starfsmaður hafi látið af störfum.

Sé komið að barninu á biðlista getur það verið áfram í leikskólanum.

Æskilegt er að starfsmenn hafi unnið á leikskóla í 3 mánuði áður en til vistunar barna þeirra kemur. Ef því er ekki viðkomið þá er hægt að útvega pláss fyrir þann tíma í samráði við leikskólastjóra.

Forgangur er fyrir starfsfólk sem eru við störf í leikskólum Hafnarfjarðar á sama tíma og barn.

## **7. kafli**

### **Úthlutun leikskólapláss, dvalarsamningur og uppsögn**

Hafnarfjarðarbær innritar börn í leikskóla eftir aldri. Aðalúthlutun leikskólavistar fer fram að vori ár hvert vegna leikskólarýma sem losna þegar elsti árgangur byrjar í grunnskóla. Aðrar úthlutanir fara fram jöfnum höndum allt skólaárið, þegar leikskólarými losna vegna flutninga eða annarra ástæðna.

Þegar barni hefur verið úthlutað leikskólaplássi fær foreldri/forráðamaður bréf í tölvupósti þar sem farið er fram á að boðið um leikskólapláss sé staðfest hjá leikskólastjóra. Ef foreldri/forráðamaður hefur ekki staðfest tilboðið um leikskólaplássið með tölvupósti eða símtali við leikskólastjóra innan 10 virkra daga frá því að tilkynningin var send út, er litið svo á að leikskólavistinni sé hafnað. Innritun er alfarið í höndum leikskólastjóra þar sem aðstæður í hverjum leikskóla fyrir sig ráða því hvenær leikskóladvöl getur hafist. Þegar tilboð um leikskólapláss er staðfest kynnir leikskólastjóri foreldri/forráðamanni ferli innritunar í leikskólann.

Áður en leikskóladvöl barns hefst gera viðkomandi leikskóli og foreldrar/forráðamenn með sér dvalarsamning. Með undirritun sinni staðfesta foreldrar/forráðamenn að þeir hafi kynnt

sér gjaldskrá leikskóla Hafnarfjarðar og reglur þessar og skuldbinda sig til að hlíta þeim eins og þær eru á hverjum tíma.

Uppsagnarfrestur í leikskólum Hafnarfjarðar er einn mánuður og miðast við 1. eða 15. hvers mánaðar. Uppsögn dvalarsamnings skal í öllum tilfellum vera skrifleg og skilað til leikskólastjóra. Sækja skal um breytingar á dvalartíma til leikskólastjóra.

## **8. kafli**

### **Lagareglur og kæruleiðir**

Leikskólar Hafnarfjarðar starfa samkvæmt lögum um leikskóla nr. 90/2008. Ákvarðanir Hafnarfjarðarbæjar um rétt einstakra barna til aðgangs að skóla og um rétt til sérstakrar aðstoðar og þjálfunar er hægt að kæra til mennta- og barnamálaráðuneytis, sbr. 30. gr. laga nr. 90/2008. Ákvarðanir um gjalddöku fyrir barn í leikskóla er hægt að kæra til mennta- og barnamálaráðuneytis, sbr. 30. gr. laga nr. 90/2008 um leikskóla. Aðila máls er heimilt að kæra til innviðaráðuneytis ákvarðanir Hafnarfjarðarbæjar er kveða á um rétt eða skyldu manna sem lúta eftirliti ráðuneytisins, sbr. 111. gr. sveitarstjórnarlaga nr. 138/2011. Kærufrestur er þrjú mánuðir frá því að aðila máls var tilkynnt um stjórnvaldsákvörðun.

Reglur þessar eru samþykktar í fræðsluráði þann 30. mars 2022 og í bæjarstjórn.....

Reglur þessar taka gildi.....

Við samþykkt þessara reglna falla úr gildi *Reglur og skilyrði um greiðslur til einkarekinna leikskóla*, sem samþykktar voru í fræðsluráði 21. mars 2018.